



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

LIX. An Paupertas voluntaria & obedientia rectè voueantur Deo?

urn:nbn:de:hbz:466:1-11726

voti soluendi Morale est; idè non antiquatum.

AD II. Obstringit in rebus præceptis; non in arbitrariis quæ sunt Consilii Evangelici. Ita patris obstringere filius potest in rebus sui iuris.

AD III. Si Christus libera vitæ genera esse voluit, cur multi se matrimonio vinculant? Dein; Negat Martyr quicquam esse adiaphorum & liberum, sed præcepta omnia. Libertas autem Evangelica est à peccato non à lege. Rom. 6. *Liberati à peccato, serui facti estis iustitiæ.*

AD IV. Non pugnat gratitudo serui, facientis sibi necessarium, cum benignitate Dei relinquentis quid liberum.

Q V Æ S T I O LVIII.

*An promissio Baptismalis sit
Votum?*

LVIHERVS & CALVINVS consentiunt in ista. 1. Vota ad Dei cultum fieri solum posse de rebus præceptis. Ideoq; commune votum esse, factam in Baptismo promissionem. 2. Posse voueri ad negotia vitæ expeditius peragenda, vitandaque peccata. 3. Vota monastica esse impia ac soluenda: quod fiant opinione cultus diuini, & de rebus non præceptis.

SVADENT de voto Baptismi. 1. Quia Christiani grauius peccant, & puniuntur, legem non seruantes, quàm infideles: igitur obligationem habent, quam non hi. 2. Augustinus in Psal. 75. *Quid debemus vouere? Credere, sperare, bene viuere secundum communem modum &c.*

AUTOR. Promissio in Baptismo non est propriè votum. 1. Quia vota esse voluntaria debent: Deut. 23. *Si nolueris polliceri, absque peccato eris. Si vo-*

ueris; non tardabis reddere. At promissio baptismalis est necessaria: cum ad eum obligemur omnes. 2. Quia alia vota, quæ pro infantibus edant parentes, non sunt rata si adulti nolint: at in Baptismo facta pro iis promissio sic eos obligat, vt cogi possint inuiti, ceu mēbra Ecclesiæ. 3. Si promissio baptismalis esset votum, peccata Christianorum essent duplicata, vt, contra Legem, & contra votum; essentque sacrilegia, nec minus peccarent, quàm religiosi.

DICO AD I. Grauius peccant Christiani ob ingratitudinem; non ob aliam obligationem.

AD II. Augustinus ibi votum accipit largo modo, quo votum propriè dictum, & etiam omnem promissionem comprehendit.

Q V Æ S T I O LIX.

An Paupertas voluntaria, & Obedientia rectè voueantur Deo?

LVIHERO-CALVINISTÆ negant. SVADET Brentius in Confessione Wirtembergica cap. de votis: Vouens paupertatem. 1. Si sit pauper, nil habet quod vouere possit; Vt si in morbo quis voueret se agrotaturum. 2. Si diues; aut vouet daturum se in commune; & hoc est fugere paupertatem. 3. Aut daturum omnia pauperibus spe meriti; & hoc est contra fidem; quia Christus omnia nobis meruit.

AUTOR. I. Voluntariæ paupertatis Votum sanctum est: 1. Evangelio teste: Vide in Antichristo p. 2. q. 26. 2. Quia, Act. 4. *Credentium cor vnum & anima vna: Nec quisquam eorum, quæ possidebat, aliquid suum esse dicebat: sed erant illis omnia communia.* Idque ex voto facto, Ecce 3 teste

teste S. Augustino serm. I. de communi vita Clericorum: Sicque se fecisse ait: Et queritur non sic obseruasse votum Sacerdotem, qui Deo societatem professus erat, ut hanc teneret, nihil haberet, testamentum non faceret: fecit autem testamentum, & Ecclesiam scripsi heredem. O fructus natus non de arbore, quam plantasti Dominus!

3. Ananias, Actorum. 5. & Saphira vxor eius contra vitam communis professionem, sibi clam reseruauit quid proprium; & morte iubitanea conciderunt. Petrus Martyrait: Non video hic Votum. At circumstantiæ id ostendunt. 1. *Fraudauit de pretio agri, conscia uxore sua:* Ergo rem ante obligarat debitam; alioquin non fraudare potuisset. 2. Rem non præceptam vouerant: quia, *Nonne manens tibi manebat, & veni datum in tua erat potestate?* 3. Deo rem deuouerat; ideo sacrilegium luebat: Vnde *Cur tentauit Satanas cor tuum, mentiri te Spiritui Sancto, & fraudare de pretio agri?* Istud est fallere fidem, voto datam Spiritui Sancto. Ita S. Patres apud Bellarm. l. 2. c. 20.

DICO AD I. Etiam pauperes ab opib. recedunt; dant enim, quod acquirere potuissent. Augustinus epist. 89. *Neque mihi minus imputabitur, quia diues non fui. Nam nec Apostoli, qui primi hoc fecerunt, diuites fuerunt. Sed totum mundum dimittit, qui & quod habet, & quod optat habere, dimittit.*

AD II. Ideo dixit Dominus, Matt. 5. *Beati pauperes; non, beati aegroti.* Ideo, omnia in commune ponere, & paupertatem amare, & amplecti, ceu *Credentium primi, Act. 4.*

AD III. Id contra fidem esset, quod Christus suauit adolescenti; *dapau-peribus?*

II LUTHERO-CALVINISTAE obedientiam deuotam Deo aspernantur, ut stultam utque impiam execrantur.

SVADENT. I. Quia, LUTHERVS libro de Votis Monasticis, Cum o. ed. re omnibus no. Scriptura iubeat Phil. 2. *Superiores inuicem arbitantes* 1. Pet. 2. *Subiecti estote omni creature propter Deum: omnino contra Scripturam si vni in manus professio obedientiae qualidica: Deo, Venio tibi in illa. ut se unum Euangelium tuum omnibus subiectis sed tantum vni maiori.* 2. Petrus Martyr in 1. Cor. 7. *Pretio enim illius, no. ut fieri serui hominum, sed, ceu ali voto obedientiae.*

CALVINI his conserunt. Vide supra questione 54.

AUTOR. Grata Deo, meritoria Christiano professæ est Obedientia. 1. Quia, Ierem. 35. Filii Ionadab laudantur, quod in re non præcepta, aiunt Rabani hic; *firmauerunt ut præceptum patris sui: populus autem iste non obeduit mihi.* Neque in hac re; non bibendo vinum, non serendo agros, non habitando in domib., sed tentoriis; tenebantur vi Legis diuinæ parere patri, *Ei manerunt tan. en. præceptum, etiam de sancto patre.* Vnum exemplar futurae Religionis professæ, ceu peregrinatum super terram. 2. Sic Euangelium docet obedire. Vide meum *Ant. christum p. r. 2. quæst. 26.* Proinde ait Augustinus in Plat. 75. *Nemo positus in Monast. vix frater dicat: Recedo; Neque enim soli, qui hic sunt, perueniunt in celum; & illi, qui ibi non sunt, ad Deum non pertinent. Respondetur ei: Sed illi non vouerunt; Tu vouisti.* In Plat. 99. *Dum non perseneauerit implere quod vouit, si d. serior tam sancti propositi, & reus voti non redditi.*

DICO AD I. Commendatur ibi humilitas; non consula sub omnibus omnium obedientia. Sic enim nul-

II cl.

li esse deberent, qui iuberent. Per, *omni creatura*, intelligit omnem in potestate positum, *sive*, ait, *Regi tanquam praeclarent; sive Ducibus tanquam ab eo missis*. Neque tamen Reges sunt immunes ab obedientia Deo & Legi debita.

AD II. Vetat obedire hominibus propter homines, sed propter Deū Col. 3. *In simplicitate cordis timentes Dominum. &c. non ad oculum seruientes.*

QVÆSTIO LX.

Votum Continentiæ num ritè fiat, ac teneat?

LUTHERANI iuxta & CALVINIANI, cum priscis hæresiarchis, negant. Vide *Genealogiam par. 2. q. 15.* Suadere id nituntur pluribus; de his nos infra q. 61.

AUTOR. Sanctum est castitatis Votum. 1. Teste S. Scriptura, in professione Mariæ, Luc. 1. *Virum non cognosco*. In doctrina Christi Matt. 19. *sunt Eunuchi qui se castrauerunt propter regnū cælorum*. In doctrina Apostoli, 1 Tim. 5. *Luxuriate, damnationem habentes; quia priusquam fidem in ritam fecerunt*. Quæ singula S. Patres ad Votum castitatis professæ interpretati sunt.

2. Idem Votum asseruerunt Concilia plura. Pontifices item, ac Imperatores: Patres quoque plurimi; Apud Bell. l. 2. de Mon. c. 22. 23. 24. 25. 26. 27.

3. Ratio ex Dignitate fauet, & Utilitate. Dignius est ex Voto continere, quam uti matrimonio: teste Scriptura supra quæst. 54. Ideo S. Patres vitam continentem affirmant esse perfectam: quicquid obgannat Martyr. Item utilius ac salutaris est animæ, Deoque gratius, ex

voto quid operari, quam sine voto: Cum ad votum hortetur Scriptura, Psa. 75. *Venete, & reddite*: Cum ex maiore virtute procedat opus votiæ virtutis, quā simplicis; vnde continentia est Temperantiæ: at votum continentia est, & temperantiæ, & Religionis: Cum melius sit quod ex firmata voluntate provenit, quā variabili.

OBJECTIONES LUTHERO-CALVINISTICÆ.

I. Contra Votum Deiparæ Virginis.

CALVINVS in Comment. in Luc. 1. apud Marloratum, tria arguit. 1. *Videtur S. Virgo non minus malignè restringere Dei potestatem, quam prius Zacharias*. Quod enim præter communem naturæ ordinem est, impossibile esse colligit. Sic enim ratiocinatur: *Virum non cognosco, qui credam igitur futurum quod nuntias? Nec verò magnopere laborandum est, ut Eam purgemus ob omni vitio.*

2. Patres rodit Caninus ibidem. *Quod autem ex hoc loco occasionem quidam sumpserunt, ut dicerent Virginem habuisse Votum perpetuæ Virginitatis, quod alioquin supernacanea ista fuisset responsio; nimis infirmum est, imò absurdum, & ridiculum*. Existimabimusne Virginem passam fuisse marito se collocari, ut eum luderet? Fuisset profecto PERFIDIA, graui reprehensione digna, si sanctum coniugii fœdus, non sine Dei ludibrio, spreuisset.

3. Nostro, inde argumento ducto, respondet: *Soluendum est obiectum; Quod Votum in futurum tempus respiciat, ideoq. significet. Nullam sibi fore cohibitionem cum viro*. Hac vero coniectura & probabilis est, simplex; Quod rei magnitudo, vel potius maiestas Virgine per-

cule-